



forum for  
natur og friluftsliv  
Møre og Romsdal

Miljødirektoratet

Dato: 23.06.2020

*FNF Møre og Romsdal er eit samarbeidsforum for natur- og friluftslivsinteresserte organisasjonar i Møre og Romsdal. FNF skal engasjere seg i saker som påverker natur og friluftslivet i fylket. I dag er Norges Jeger- og Fiskerforbund Møre og Romsdal, Naturvernforbundet i Møre og Romsdal, Friluftsrådet Nordmøre og Romsdal, Sunnmøre friluftsråd, fylkets tre turistforeiningar, fylkets 4 speidargrupper og Møre og Romsdal 4H tilslutta forumet. Totalt representerer desse organisasjonane mange medlemmer med ei stor interesse for å ta vare på naturen for dagens - og komande generasjonar.*

## **Klage – nedgraving av flytebyggjer på Gåsøya**

Vi viser til dykkar vedtak av 10.06.2020 om løyve til nedgraving av flytebyggjer på Gåsøya (dykkar ref 2020/3943).

Saka vedkjem om det er greitt å grave ned avfall i form av gamle flytebyggjer beståande av betong og isopor istaden for å levere til gjenvinning/deponi på godkjent mottak.

FNF Møre og Romsdal har i fleire år fokusert på at det ikkje er greitt å brenne, grave ned eller dumpe avfall i vårt land. Vi har prøvd på fleire måtar å teke tak i denne utfordringa blant anna med å påverke kommunar, interkommunale renovasjonsselskap, brannvesenet, grunneigarar og folket vårt til å finne løysingar for gjere noko med utfordringa. Vi vil her vise spesielt til vår uttale av 30.04.2018 som vi legg ved.

Samstundes som vi har teke opp avfallshandteringa på generelt grunnlag har vi fulgt opp enkeltsaker som vi er gjort merksame på. Ei av desse er nedgravinga av avfall beståande av flytebyggjer på Gåsøya. Vi legg ved bilder tekne frå staden teke 29 jan. 2020 som gjorde at vi varsla Miljødirektoratet om denne saka.

Slik vi har blitt fortalt forhistoria om desse flytebyggjene er den som følgjer;

For om lag 20 år sidan vart det slepa fire flytebyggjer med måla 7,4x2,4x1,1 frå Tøndergård småbåthamn i Molde kommune ut til Gåsøya. Dette slepet vart utført av Geir Øye AS. Formålet med flytebyggjene var å leggje dei ut som bølgedemparar. I uveir sleit flytebyggjene seg og ei av dei dreiv i land på Sandøya og 3 av dei dreiv i land på Gåsøya i bukta dei no ligg. Slik vi har forstått er kvar einskild flytebyggje beståande av ca 10 cm betong på sidene og topp

---

**Forum For Natur og Friluftsliv Møre og Romsdal**

Idrettsvegen 2, 6413 MOLDE

Telefon: 46431427 E-post: [moreogromsdal@fnf-nett.no](mailto:moreogromsdal@fnf-nett.no)

[www.fnf-nett.no](http://www.fnf-nett.no)



forum for  
natur og friluftsliv  
Møre og Romsdal

medan midten består av isopor. Med andre ord utgjør dette om lag 40 kubikk isopor.

Vi varslet om denne saka 29 jan 2020 til Miljødirektoratet og Ålesund kommune. Så vart det stille fram til vi vart varslet om at ein no fortsatte nedgravinga av flytebryggjene på Gåsøya. Vi sendte difor ein førespurnad den 15 juni 2020 til kommunen/miljødir om kva som skjedde i saka. Så vart vi gjort merksame på at det hadde vore gitt eit løyve til gjenvinning (?) av flytebryggjene den 10 juni 2020.

Innleiingsvis finn vi det rart at vi ikkje er på kopilista for denne saka då vi jo er part i saka. Klagefrist er uvesentleg om ikkje den som bryr seg om saka blir orientert. Dette er vel ein saksbehandlingsfeil ?

Vi les i vedtaket at det er gitt løyve til gjenvinning av flytebryggjene. Dette er jo feil fordi det er jo nettopp det det ikkje er gitt løyve til; det er jo gitt løyve til «ikkjeggjenvinning» men derimot til nedgraving.

Vi les i vedtaket frå Miljødirektoratet at ein tillet flytebryggjene gravd ned då alternativet er at flytebryggjene blir liggjande i strandsona og forvitre. Dette blir heilt feil. Avfall skal leverast til godkjent mottak, alternativet er ikkje at det ligg i fjæra og forvitrar. Våre organisasjonar med våre to friluftsråd i front driv jo strandrydding samt skjergardstenesta i vårt fylke. Dei plukkar isopor i mengder og om dei finn større isoporelement eller anna avfall i store mengder som dei ikkje handterer på staden, melder dei inn til kommunane om dette som anna forureining. Kommunane er jo forureingsmyndigheit og skal syte for at ikkje isopor og anna blir liggjande i fjæra og forvitre. Mykje av utfordringane med strandsøppelet er jo at det er herrelaust, men her er jo søppelet/avfallet enkelt å knyte eigarskapet til. Slikt sett skulle det vere enklare å få rydda opp utan store offentlege utlegg som er tilfelle med det herrelause søppelet.

Gåsøya er utvald naturtype, sjå <https://faktaark.naturbase.no/?id=BN00019297>. Dette er ikkje nemd i vedtaket og er tydelegvis ikkje vurdert i saka ? Dette er vel ein saksbehandlingsfeil ?

Slik vi har forstått situasjonen er flytebryggjene tenkt nedgravd i myra i bukta der dei ligg. Kva vurderingar er gjort i høve til naturtypen myr ? Det kan vel også tenkast at isoporen gjer at flytebryggjene flyt opp av myra ved store nedbørsmengder då oppdrifta er vesentleg ?

Slik vi har forstått faktaark M-14 2013 om Disponering av betong- og teglavfall er det vesentleg kva innhaldet i betongen er i høve til handteringa av den. Her saknar vi denne vurderinga; er dette ein saksbehandlingsfeil ?



forum for  
natur og friluftsliv  
Møre og Romsdal

## Konklusjon

FNF Møre og Romsdal klagar på vedtaket om nedgraving av flytebryggjer på Gåsøya og meiner at desse må leverast til godkjent mottak. Vi ber om oppsettande verknad på klagen.

Med helsing

Forum For Natur og Friluftsliv i Møre og Romsdal

Ingbjørn Bredeli  
koordinator

Vedlegg: Vårt brev av 30.04.2018 om ulovlege søppelplassar

Kopi:  
Ålesund kommune  
Fylkesmannen i Møre og Romsdal

Vedlegg: Bilder tekne 29 jan. 2020 – flytebryggjer på Gåsøya



forum for  
natur og friluftsliv  
Møre og Romsdal

